


Gizarte zerbitzuetan 606 euro gastatu ziren biztanleko 2005ean

%20an hazi zen boluntarioen kopurua gizarte zerbitzuetan

Euskal AEn gizarte-zerbitzuetan egindako gastua, 2005ean, 1.298 milioi eurora iritsi zen. Aurreko urtean baino %8,5 gehiago gastatu zen eta Euskal AEko BPGaren %2,3 hartu zuen, Eustaten datuen arabera. Batez besteko gastua biztanleko 606 eurokoa izan zen, horietatik 422 funts publikoetatik etorri zirelarik.

Herrialdeka, gastua %4 handitu zen Araban, %10 Bizkaian, eta %8 Gipuzkoan. Biztanleko gasturik handiena Arabak egiten du, 705 batez beste; Gipuzkoan eta Bizkaian 590ekoa da.

Grafikoa: Gizarte zerbitzuetan egindako gastuaren bilakaera biztanle bakoitzeko



Iturria: EUSTAT

Herri-administrazioek guztizko gastuaren %70 ekarri zuten, 903 milioi euro; sektore pribatuak gainerako %30a. Nabarmentzekoak dira erabiltzaileek ekarritako 162 milioi euroak, jasotako zerbitzuen truke; gastu arruntaren %13 izan ziren.

Sektoreak landunen %2,3 enplegatu zituen.

Sektore honek, guztira, 21.941 landun izan zituen zuzenean, landunen guztizkoaren %2,3; horietatik %68 emakumezkoak. Kontuan edukiz gero zuzeneko arretako azpikontrataturako langileak, zeinen lanaren munta dedikazio osoko 4.411 enpleguren adinakoa izan baitzen, %20an haziko litzateke enplegua. Azpikontrataturako pertsona horien erdia etxeko laguntzan aritu da.

Boluntarioen kopurua nabarmen hazi da (%20). Gizarte zerbitzuetan musu-truk aritutako pertsonak 18.675 izan ziren 2005ean, eta haien lanaren munta dedikazio osoko 1.061 langileenaren adinakoa izan zen.

1. taula: Aldagai nagusien bilakaera

	2005	2004	Δ% 05/04
Gastua (mila euro)	1.297.642	1.196.320	8,5
- Gastu arruntak	959.083	876.216	9,5
- Familietarako transferentziak	274.566	270.046	1,7
- Kapital-gastuak	63.993	50.057	27,8
Gastua/Biztanleko (euro)	606,1	562,0	7,9
Gastua/BPG (%)	2,3	2,2	0,5
Finantzaketa			
- Finantzaketa publikoa	903.157	837.714	7,8
- Finantzaketa pribatua	394.485	358.606	10,0
Giza baliabideak			
Langileak guztira	40.616	36.221	12,1
- Bertako langileak	21.941	20.613	6,4
- Borondatezkoak	18.675	15.608	19,7
Material-baliabideak			
- Izakunde-kop.	1.318	1.304	1,1
- Zentro-kop.	2.544	2.512	1,3
- Egoitza-kop.	734	715	2,7
- Egoitza-plazak	20.212	19.596	3,1

Iturria: EUSTAT

Biztanle guztientzako zerbitzuek eta adinduentzako zentro espezializatuak hartzen dituzte baliabideetarik gehien; izan ere, bi horietara joaten da gastuaren %67.

Biztanle guztientzako baliabideetan nabarmentzen dira, kopuruagatik eta bilakaeragatik, familiei egindako transferentziak. Hortxe daude Oinarrizko Errentaren (OE) programak, 145 milioi euro (%+15), eta Gizarte Larrialdietarako Laguntzak (GLL), 39 milioi euro, (%+16).

Gizarte zerbitzu espezializatueta 65 urte eta gehiagoko pertsonen %9 artatu zuten.

Hirugarren adinarentzako gizarte zerbitzuen gune nagusiak hauek dira: egoitzak, eguneko asistentziako zentroak eta etxez etxeko atentzioa.

Egoitzetan 15.559 plaza eskaintzen zirelarik, 65 urte eta gehiagoko 100 adinduko lau plazako estaldurara iritsi zen. Eskaintza, 600 plaza berri sortu direlarik, %3,6an hazi da, azken urteetako joerari eutsiz. Egoitza plazen %36 zentro publikoetan eskaini ziren.

17.964 adindu etxean bertan izan ziren artatuak (100 adinduko 5), etxez etxeko arretako erabiltzaileen %90 izan zirelarik. 2004aren aldean %5 hazi da erabiltzaileen kopurua.

Zerbitzu honen guztizko gastua 63,6 milioi euro izan zen (aurreko urtean baino %8 gehiago). Erabiltzaileko batez besteko urteko gastua 3.137 euro izan zen eta %90ean sektore publikoak finantzatu zuen.

2. taula: gastuaren bilakaera eta banaketa, biztanleen arabera

	2005	2004	Δ% 05/04
Gastua (mila euro uneko)	1.297.642	1.196.320	8,5
Biztanleria oro har	474.183	458.008	3,5
- Familietarako transferentziak	271.013	265.593	2,0
Haur-Gazteak	41.427	38.221	8,4
- Egoitzak	30.328	29.048	4,4
Zaharrak	391.759	345.852	13,3
- Egoitzak	338.724	296.983	14,1
Ezgaituak	317.092	286.076	10,8
- Egoitzak	56.351	43.533	29,4
- Lanbide-zentroak eta EZB (1)	202.545	189.707	6,8
Emakumeak	8.782	6.446	36,2
Zokoratuak	64.398	61.717	4,3

(1) Enplegu-zentro bereziak

Iturria: EUSTAT

Argibide gehiago nahi izanez gero:

Euskal Estatistika Erakundea / Instituto Vasco de Estadística

Donostia-San Sebastián kalea 1, 01010 Vitoria-Gasteiz.

Tel:+34-945-01 75 00 Faxe:+34-945-01 75 01 Posta elek.: eustat@eustat.es

Harremanetarako pertsona: Maite Ugarte

Tlf:+34-945-01 75 47 Faxe:+34-945-01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp